

南開大學圖書館 編

江曉敏 主編

南開大學圖書館藏

稀見清人別集叢刊

15

CHANGXI NORMAL UNIVERSITY PRESS
广西师范大学出版社



南開大學圖書館 編

江曉敏 主編

南開大學圖書館藏

稀見清人別集叢刊

15

GUANGXI NORMAL UNIVERSITY PRESS
廣西師範大學出版社

· 桂林 ·



目錄

一枝軒稿 施晉

如不及齋文鈔 章甫

雨舕詩集 龍載恬

牧牛村舍外集 宋大樽

桐響閣詩集 沈燮

香雨詩草、刪餘吟附香雨詩餘、散華詩餘 凌榮、沈珠

石舟文剩 潘汝炯

· 一

一三五

一九九

二八五

三一九

三七五

四二三

一枝軒稿

施晉

一枝軒稿

《一枝軒稿》八卷，施晉撰，嘉慶二十二年（丁丑，一八一七）安徽郡署刻本。版心寬十二點七厘米，高十七點三厘米。

施晉，字錫藩，號雪颿。江蘇無錫人。生卒年不詳，大約主要生活在清乾隆時期。清乾隆諸生。終生未入仕途，以游幕爲生。

全書八卷，卷端題『無錫施晉錫藩』。版心題『一枝軒稿』，卷前有惲敬『一枝軒詩集序』，目錄題『一枝軒詩稿目錄』，卷端題『一枝軒稿卷x』。觀其目錄，卷一至卷六古今體詩，卷七長短調，卷八雜文，則應以卷端所題爲是。

該集以古今體詩爲主。作者早期致力於漢魏六朝諸集，後以杜詩爲宗，格調神韻，獨步一時。卷八雜文含書、啓、記、傳、祭文、壽序等。據惲敬序，施氏『白首奔走爲諸侯賓客』，故其文章多爲代筆之

作。（江曉敏）

南開大學圖書館藏稀見清人別集叢刊

一枝軒詩集序

一枝軒詩集者無錫施雪颿先生之所作也

左爲詩集

千卷詞若干卷雜文若干卷而皆附於詩陽湖惲敬子居爲之序序曰敬在江右幾二十年不知德化陳東浦方伯能詩至越東見其集方知之其以詩之名嘈嘈人口者皆脆薄邪俠者也生於陽湖去無錫百里耳不知吾雪颿能詩至皖口共晨夕者三月方知之夫詩一藝耳書之於牘傳之於口如遺跡然蓋易見者也而能之者不求知人亦不之知至於地之近時之久如此乃幾乎不見而後見況乎才力之所施變志業之所避就

更萬萬難測者哉敬有以知古今賢人君子沉冥於世俗者爲不少也然幾幾乎不見而卒未嘗不見又有以知古今賢人君子其意同其事合而終有其契賞之大會也東浦雪颿皆得力於工部東浦通籍後所歷皆華臚故其詩佳者筆勢放縱頓挫獨絕而不佳者體閼而不能變氣馳而不能深且多仕宦之恒言雪颿白首奔走爲諸侯賓客於世事無所將迎歆羨又少年曾盡力於六代諸人遺集然後以工部櫟括焉故其詩較之東浦格調神態有獨擅者則又歎東浦之才之力未免以綜攝局其性情趨承減其風尚富貴之遇於斯事未爲

可幸也雪颿老矣尚能飲酒尋山水其生平所交文章巨公不使有一字入其集其胸中爲何如敬故論其詩并附著其爲人之大概後之人當不以爲過言也已嘉慶二十二年七月癸卯朔謹序

一枝軒詩稿目錄

無錫 施晉 錫蕃

卷一

古今體一百一十首

卷二

古今體一百三十八首

卷三

古今體一百四十一首

卷四

古今體一百二十首

卷五

古今體一百三十首

卷六

古今體一百四十二首

卷七

長短調一百九首

卷八

雜文十九首

一枝軒稿卷一

無錫 施晉 錫蕃

夜過嚴灘

先生不可見倚櫂覓清娛釣暗魚難得
星明客不孤淪連鑑鬚髮空翠撲
艤舫無奈西臺上更深怪鳥呼

野泊

野風四面來吹我一葉舟霞沉孤月
繼巖緬陰火浮荒村駭獨客不夜人
語休竹徑落虛響行跡生暗愁

七里灘

灘遠不三里舟行七里強
筌孤侵鳥路水折轉羊腸風落多悲響
日高無定光浮生幸出險世路正茫茫

路經廣州欲遊光孝寺不果

虞翻故宅

人生不得已知已死吊青蠅
悵已矣推篷叫起萬古愁我亦漂流到
南紀波羅江空積恨深魚藻門高帶烟
紫有懷吊古不可泊風逐征帆疾于矢
君不見呼鸞道前草色迷君不聞歌舞
岡頭雀聲喜樓臺歷劫成招提寂寞繁
華趨一軌何當訶梨勒果林偈說風旛
悟微旨

苦竹

綠筍不供饌叢生過野橋人間留苦節
天意許干霄積翠連山重疏陰毒暑消
相看無限好停午傍征橈

伏波將軍祠

嬰鑠如翁實壯哉荒祠遺像尙巍巍本甘馬草寧辭死不爲犀珠也見猜遺烈至今存漢柱圖功何意上雲臺英雄萬古猶低首那屑床前一拜來

喜達粵西與孫憲韓昆仲話舊作

金石本異器撞縱擊拊和其音人生各有性交相箴勗稱同心我生之勞真草草早年結客長安道長安詞客集若雲一見清談便傾倒輪囷肝膽却向誰座上孫郎最年少本來骨相中表同矧復心期歲寒保黃金臺高白日曉興飛碧海長鯨掉醉拓金戟橫兩枝狂撾急鼓

衣單絞馬周落魄徐邈狂惟子相規語言好果也失意無所之退飛倦鷁衝驚颺七閭八越遍遊歷重山複水愁嶮巖逢人羞自道名姓出言往往遭譏嗤逾年君子建藩出竹王路指蠻江祠銅脰鐵脚風景異隨侍子日哦新詩側身萬里不易到好夢一夕長風吹去年開府來象郡想子定省無由違客囊羞澀一錢贖水驛迢遞三千奇天高銅柱雨點絕峯迴桂嶺灘聲悲生平知我真者誰那惜蘭足相依隨戟門耽耽擊大鼓觀者笑客來何爲豈知倒屣動觀聽碧天早快晴雲披斯須弟兄出相見喜極涕淚翻漣洏元龍豪氣已漸滅面目黧黑

衣塵溜吁嗟眼底何瑣瑣矧乃余今方坎壈且圖一笑開凋顏閣鈴玎玲話燈火

孫憲萊賦長句見贈奉酬

東家逆綠籜西家蒔黃楊黃楊遭閹厄綠籜驚雷長昔我遊長安子髮尙未燥剪水澄雙眸逸氣已騰蹕君子重戚睦令我雁抗行歷年擁麾旌華吐參井光憐君尙垂髫奉慈暫旋里寶馬錦連乾重揖得歡喜惱人鐵鹿子旋復送遠行斷雲落深澗不逐長颺征黔江亦容刀可思不可掉一札懷五年孤蹤走絕徼絕徼南海頭路接古桂林君子近建節蘭足相追尋畫戟兵衛森地嚴

客影靜出見訝魁然眉宇猛記省問我來何所我來自羊城浦緣沉香淨江得還珠明問我遊何所我遊久聞嶠山明佛桑花林美收香鳥問我遊何所我遊近在杭龍井茗雲綠明湖藕風涼問我遊何所我遊到古歛天都峯插天烏底雲萬疊遊踪且萬里客囊不一肩歷險就退懦刻意忘姁妍君言昔別後輪楫異川陸滇邦小漏天箐黑怪峯蠹溫清閱寒煖時值三冬閒射圃習遊藝月逐雕弓彎嚴君拜

新恩移節撫百粵隨行奉板輿急裝星夜發湘水淼曷極蒼梧古傷心所恃竟終天恨與昭潭深拭淚語未終

迴風落高樹綺筵羅杯盤華燭達三鼓高齋下懸榻事
事皆安便雖出長者賜頗樂昆季賢朝來贈我詩情親
識君意仙掌沍露滋鯁絃選聲粹千里起寸步合抱生
萌芽得地不自高若木四照華嗟我困羈愁壯志日以
憊夙夜願勉旃精進在勿懈

原作

孫爾準

憶昨識君春明門餐霞意氣何軒軒明年捧袂慧水
曲落拓襟期件流俗省親黔南與君別河橋揮手花
如雪南風五兩催行程從此音塵兩濶絕萍踪漂流
那得知烟波浩淼空相思五年未得子雲札兩地空

吟人日詩黃雲萬里斷春色斫地往往多悲詞年來
萱折悲風木望雲雪涕愁成斛自從放棹達龍城不
復蹇蘭採秋菊忽聞有客來天涯握手相顧生咨嗟
聞嶺罷揮王粲淚桂峯暫駐阮公車殷勤重問別來
好別後誰知更潦倒輾轉霞漳春復秋竭來更走羊
城道獨喜鯀山山色珠江雲幽光併入君懷抱高軒
秋霽飛羽觴興酣日落殘霞黃口角瀾翻快談論鬚
眉颯爽神飛揚袖中出示詩一卷木難火齊光凌亂
擊節吟殘夜未闌明月澄澄燭花爛卽今相對當盡
歡百年開口良獨難越鳥巢南代馬北人生會合非

偶然

曉行霧中作

船聲轆石殘夢驚征夫侵晨睡不得開窓幢幢山亂走
振枕放灘灘水寒毒龍歎飲元牝深夔魑跳跟太陰黑
我行眠起習瘴鄉晦昧森沉此其極倚篷嗟爾雙鷺鷥
雪襟霜衣好毛臆天寒水淺魚在泥佇立沙頭何所食

昭州咏古

灘急篙師呼頭目眩迴嶺劃天八九峯趨客疾于騁山
腰見堞樓城背得依屏小橫待放關地喧心自靜直諫
懷昔賢遷謫莅斯境清風扇炎荒忠盡化頑獷蠻江苦

水惡石迸甘泉冷感通理則然天意念骨鯁夜半語誰

聞悄悄不可省龜山學聖徒語怪亦聽瑩去去不可留

日斜江路永

通志鄒公浩謫時所居嶺下有泉湧出及北歸有人夜呼門曰侍郎歸矣迹之不得

故楊時詩有泉甘不出戶客至豈無神之句

十五夜月

仍對蒼茫月危檣野水濱灘聲偏著枕蟲語不憐人已
極關山迥況無僮僕親勞生思息影數驛尙兼旬

舟次寄兄上林

昔人適遠邦見所識亦喜況乃萬里行綿綿牽葛蘿雖
復分枝條所殊只毛裏如何連床初卽是分袂始臨歧

各含酸刺刺不得止兄言勝代初我祖諫以死直節開
遠基卿曹世濟美

聖朝龍興後郎官實司李羣推通德門弗愧鳴珂里侵
尋四紀來式微竟至此有美莫與傳弗構是誰耻欲答
轉轡伊父手立阿唯長風催登程江遠舟早艤慷慨作
急裝恂惓倒簪履蠻江流啗鳴蠻山疊波詭或如冠而
裁或若裘而委或獨立而聳或朋息而跂或擎仙人掌
或豎迦毘指或如鳥斯啄雷霆碎其觜或如虎而翼夔
魍掣其尾齊諧所難摹日黑瘴雲起孤燈宿寒灘聒耳
號不已遠念舊堂構上懷所怙恃幼弟業未成催人姪

若子治繭得絲著手昧條理跛者不忘趨瞽者不忘

視且如阿兄言敢忘則吾豈往者謁羣公幸莫小子鄙

出都六七年寥落復爾爾默數知已誰當代兩公耳辦

香宗太原建藩遠渭水謂王蘭泉先生最親惟中丞節鉞控交

趾我時困閩南輻脫復遭柅霜雪封澗松寸根易轉徙

輓轡脫銅瓶甘泉阻尺咫間關今幸達痛定思癢疔豈

惟阿兄衰肉消悲撫髀阿弟前年春搖落墮一齒種種

髮漸稀滔滔水何駛勞生焉得說不見江瀾瀾高峯在

雲端墜石在淵底山陽草已白其陰花尙紫物理固不

齊可卽悟微旨古云憂傷人斯言豈不遘內顧不訾身

未敢傷且毀寄言好加餐慎勿多憤悱

藤州晚泊

石孔綠流入沙頭下碇牢饑鳬穿浪急健鶻開風高覓
食空烟水排雲在羽毛坐深忘暝色髮短首頻搔
野戍臨江迥蒼茫試獨登草吟蟲得露烟吠犬疑燈語
屈穿危磴傾欹倚瘦藤散懷聊復爾無事記吾曾

曉寒

淦淦魚雲散碧空纖纖殘月掛西弓綠江無限香楓樹
一夜新寒葉盡紅

斷藤峽

千林懸頭血淋漓六軍駐馬無人色怪底村氓縛馬前
又出衣間始知賊韓公天威信有神么麼鬼蜮空紛綸
銳師直取峒虎子黑夜斫斷妖龍鱗投戈餘孽乞殘命
縱金乃下班師令生羈生貌歷有年爲獍爲梟豈其性
大哉仁勇來文成書生胸中百萬兵三十六巢朔風捲
兩堡八塞烟塵清至今灘流勁於弩峽裏碎訇震金鼓
尖峯怪石森戈鋌白日青天壤檣艣我行城東路稍紆
掛帆安穩百不虞况逢太平日無事峒獠耕作安良圖
回看峽雲隔一舍舟楫撻撞在其下弔古猶增心膽寒
黑霧沉山雨生夜

舟中聞雁

扁舟日日計郵程，愁聽雲邊旅雁聲。
苦竹叢深菰米少，寒江沙落瘴烟生。
嗟余共逐關山遠，羨爾猶偕兄弟行。
欲附封書還復止，懸知未必更南征。

舟中雜咏

蛋戶稱龍戶，生涯倚碧潭。
短繩約背癡，女竹爲簑驪。
網絲沙桁炊梁落，漲龕無須養鳥鬼。
魚性固能諳，

且喜帆無恙，偏宜晚色中。
灘光受霞采，風力與篙工。
紅識將收麥，時沿江蕎麥就熟黃留未老楓。
不愁江路黑，野燒出

山空

風急響千山，孤舟絕壑間。
夜長愁櫓櫓，燈盡眼鰥鰥。
野柁更無定，隣船語總蠻。
漁人尔何苦，葦火開前灣。

怪石當流迥，嵌空却可人。
深虛容走浪，垂絕想扶神。
鐘乳凝旋滴，莎衣細與皺。
春鋤立斜照，添入畫圖新。

寄錢東湖六首

東湖時客粵東

催人不少住，無賴是流光。
秋日一爲別，蠻天又已霜。
投荒非竄逐，爲恨數行藏。
之子亦牢落，臨風迴寸腸。

同作爰方客，程途我更賒。
江通夜郎遠，關枕日南斜。
飡飯甘生豸，蠻祠賽畫蛇。
崇朝變寒燠，殘臘已春花。

搖落南邕地，崑崙關接天。
至今荒棘莽，猶拾斷刀鋌。
王

者真無外，吾生劇可憐。
登樓王粲賦，四望迥憂煎。

往出珠江路，輕橈滿畫堤。
篷明開孔翠，窓小拓玻瓈。
爲問錢郎詎，曾無杜牧題。
知君遊已倦，不逐絮沾泥。

兩髻垂垂老，君仍滯遠天。
二毛稍稍見，余亦迫今年。
禹穴終辭浪，青門未買田。
望雲親舍在，同此寸心懸。

海外傳坡老，歡聞子誦詩。
羈栖殊逐客，隨侍羨佳兒。
碧醪傾柳子，紅牋咏荔支。
紀羣交夙忝，爲道苦榮思。

榕樹嘆

南荒草木雜不材，木惟榕斲削不中矩。
著處生叢叢，植顛桑空任所托。
剪伐剔抉煩人工，牆東一株更奇絕。
托

根蟻穴綿春冬，不知寄生在他木。
偃蹇鬱律相爭雄，游根纏緼掛空際。
著壁穿墉綴深細，豈真雨露于爾偏。
便倚青冥得雲勢，炎荒亦時寒凜冽。
氣凝閉獵獵，狂風動撇掇。
究無百丈達泉源，或恐飛颺猝排擠。
嗟爾長成豈容易，摩挲汝憐潛出涕。
客牕高臥日易西，清陰留聽百鳥啼。

冬夜與莊遽園對酌

百年多病同爲客，萬里懷鄉各自愁。
望含寸腸和笋裂，夢兒雙淚聽猿流。
重雲疊嶺殊方瘴，細雨疏燈客舍幽。
不信詞人真少達，相看短髮已盈頭。
遽園秋間有喪明之痛

崑崙關懷古

長松如人列千行鳥畏簡書不敢翔角鷹側翅帶肅殺
有時一擊天爲霜蠻山莽莽已萬仞雄關言言且獨峻
由來設險封泥丸不用登輶望敵陣武襄勇智人中龍
叩關直上推凶鋒絳衣大槓望若火一麾二翼旋如風
旄頭星落大於斗得級五千得印九關前賊首已繫絲
幕下賓僚尙行酒邇來搖犢胥歸田關門蕩蕩行平平
豐碑猶勒記功石盛烈爭傳皇祐年我行胡爲極邊土
輿丁矯若猱升樹澗平不泛鳴咽流塵高忽灑清涼雨
降輿酌酒傾深缸雄心翠律誰能降出關風起翠濤湧
一枝軒稿 卷一

仿佛縹馬麾旌幢

來賓官廨東偏爲傳車經憇之所余陪湯觀察
過之見垂柳二株習簷踈地旖旎向人悵然感
之雜題六絕

細雨穆穆乍泥塵風光潑眼一番新阿誰悄向闌干立
荏弱腰支不耐春

半晌迴身嬾又眠紗窓料峭薄寒天閒中草木知多少
解識風流便欲仙

有限長條拂畫楹泥人依約可憐生寄聲過客須珍重
莫漫尊前折贈行

烏蠻山翠撲山城棖觸羈人萬里情最憶船脣斜泊岸
短篷微雨聽啼鶯

吳農家住碧溪邊每到春來綠漲天小拓水牕初睡起
一痕青滴一痕烟

一般流落蠻荒路羨爾新條著雨微知否輿中憔悴客
春光不染舊征衣

雨中登榕樹樓

烟薄能明水榕高不到樓開牕憑翠杪呼酒對清流雨
際峰尖出萍邊沙嘴浮頓忘歸路滑竟日此耽幽

栖霞寺

一枝軒稿 卷一

士

栖霞怪峯削不出闐然當面劖蒼穹入寺錯愕不敢唾
佛閣頂現青芙蓉上方清涼許息影寒門颯沓多颼風
旁搜空嵌得杳邃始入賞廢嗟玲瓏老僧相引指絕頂
風磴半上思支筇仰看瞠目駭奇絕反顧所歷真凡庸
上壓萬仞下絕地靈驚欲落仍停空若非豎指仗佛力
正恐擎掌愁神工豈無石柱裊撐拄一髮未許貪天功
側窺靈洞肌骨慄失足恐墜蛟蛇宮曾言佛地衆穢屏
列炬往往搜碣磈就中名象不可算深處白曉熹微通
但須剔視翠厓刻應信時有遊人踪惜哉連日春雨足
尙被昨夜歸雲封日斜起謝約重到隔城夢斷黃昏鍾

桂林返棹仍之邕州

翠撲一船重山遮四面來瀑多初歇雨灘急尙疑雷仍
逐殊方走虛言征棹迴沙鷗似相識依槩不驚猜

月

可憐天際月又向水邊生永夜荒江路扁舟獨客情微
茫星點失洊滴露華明宿雁爾何意春深好北征

細雨

細雨牕仍拓微風帆忽斜枯猶隔歲草穠是殿春花舊
識山容好新添樹色遮不嫌襟袖濕憑望興彌賒

一葉

一板軒騎

卷一

三

一葉落蠻天灘高澀不前絳痕留石淺雨點着波圓怪
樹戎戎暗飛湍齒齒懸勞生今習險叩棹坐回漩

蕎麥二章

蕎麥花清明節山後山前湧霜雪磯頭枯樺枝不牢十
日晴天土膚裂土膚裂須莫愁遠山已作雲油油一棧
快雨盈車溝

蕎麥熟四月初麥莖紅老麥葉枯葉端離離綻元珠誰
當穫者婦若姑婦若姑大歡喜麥刈田空直如砥半插
禾秧半薏苡

鮒魚

峭蒨雲屏萬疊開沙頭漁子鬧成堆推篷睡起日剛上
雪白鮒魚耀眼來

午陰風送食單涼風味居然壓鱖魴却爲詩人添一恨
腹腴端不似江鄉

阻雨

驟雨忽生午驚風只打船傍崖修折柁低草濕危舫去
住總爲客淹遲休問天荒灘雖寂歷得酒且陶然

盆山

半生山水窟衣翠萬斛卸去秋桂林峯招手不可謝
緣互舟輿應接窮曉夜眇若湘娥愁醜或夔魍化駭眼

一板軒騎

卷一

三

蕩心魄所歷俱可詫恨無荆關筆繪本壑諸架怪哉青
嶺屹五六列庭榭側峯學匡廬峭壁縮嵩華窈窕深透
穴詰屈險裂罅雲脚裊指撐巒勢迭高下豈伊巨靈手
搏弄出餘暇彼樹不盈尺澗草實匹亞托根得所憑偃
幹意驕跨得小每自多見者何足訝主人憐嫵媚供玩
乞高價翠碧甕盆安溶漾清泉瀉居然一小天絕勝水
墨假我對亦忘言聊此銷長夏

月下懷孫憲韓憲萊伯仲杜七慧川

微雨洗出絡角星薄雲櫛櫛魚鱗形林間刻缺尙餘閃
銀蟾悄已來中庭穿簷窺牖幽同同澄魂寫影清泠泠

蠻花無名不知數瑣紅肥綠搖鈴
嶺草根涼露泣潛蛩
竹外冷火然新螢誰招南呂入
初夏商絃亂叩吾慵聽
山氛水浸惕深坐街鼓纔動門
重扃嗜膚苦蚊鬧嫌鼠
中酒易病眠愁醒客中百事無
一可紙牕徹曉偏青焚
安得與君二三子華閣坐聽搖
風鈴吹呼浮白飛羽爵
險語門健揮蚶蛤不然說劍舞
鋌鋌亦可誌怪搜冥冥
炎荒長此已足感況我奔走無
安停清光如許攬不得
却照離恨長恹惺此身何由真
似夢一夜飛度千山陁

爲吳明府端冕題畫卽贈

吳子澹蕩人造道得元牝當其
壯遊初高步恐天盡隻
身遊京華結客車憂軫拂衣上
太行走馬手脫鞵入洛
弔機雲適魯謁曾閔一朝意不
愜舍去疾飛隼洞庭何
津涯湘瑟眇接引幽尋披薜蘿
險走迷竹箇淵渟開地
鑑崖陡束天困礪爲紆其流石
爲茁其笋渺邈懷古情
彈琴見披衿于焉誅管弗豈復
羨軒楯奉檄爲娛親折
腰乃趨尹披圖指舊遊方寸萬
嶷嶙清景杳難追塵容
空自輾嗟余苦饑驅浪走日蠹
蠹愧無三獻璧吁已兩
足牘朝榮羞春花夕萎感朔
窗但得買山貲便擬結隣
隱遂初君未能歸計我難準
作詩聊贈君相對兩嗟憫

望馬退山作

出自北郭門雲際見馬首何年
房星精隕一化爲阜昂
昂羣山中挺挺天骨陟崛強鞭
不前辟易乃卻走蟠空
尾捎風注溪勒箝口造化巧搏
弄坤靈困殘蹂伊昔柳
使君剖符綰銀綬政成耽清娛
亭迥新斷手鑿翠開深
屏割雲補疎牖羣從五六人彈
琴侑樽酒介弟妙文章
月竈探天紐欲追蘭亭蹟恐落
逸少後邇來幾變遷文
垂迹湮久山獠叫沉冥毒虺伏
幽藪誰能餵虎蹊取笑
移山叟嗟哉蠻荒中勝境亦何
有

大風

古屋動窳窳驚鷗起遠垞地高
愁蜚出天黑覺龍腥局
縮頻推枕摧頽已破櫺酒醉拚
不寐無那一燈青

贈黃司馬廷鏞

聞說黃司馬賢能世共推空垂
叔度譽未盡士元才歷
硯霜蹄蹶衝鸞健翮摧官清無
長物載石幾時回
望舍終天恨依人失路年臣愚
分捐棄子職痛沉綿孰
與營歸計兼須助賻錢邕江客
棹晚軟語一凄然

謁蕪侯祠
侯諱緘

雲壓危城睥睨殘邊戎如蟻上
城端耿恭無計防疏勒
南八遺哀怨賀蘭天際靈旂長
颯偕人間碧火出凄寒
可憐蠻徼空祠廟誰把烏金鑄
二奸沈起劉晏侯憤其
致寇又不救患會

榜其罪于市
冀朝廷聞

新涼

乍欣涼簟適漸與袷衣親一雨掃煩暑清秋已可人樹
抽焦後綠草見難餘新代謝信常理支歎豈浹旬

邕州秋日雜感十首

搖落邕州地試上邕州城蠻江來絕域衆壑匯琮琤
遊孔雀浴遺穢流潛腥此毒偶一中胃翻腹膨脝安得
百泉眼挹彼一勺清豈特逝者嘆臨流暗心驚

忽忽氣候殊朝綿晝纖絃日遭蒸炊酸風利矛戟癘
氣滿山川患氣中腰脊所以顛頊子肆虐威更劇冰炭

顛倒施銷精奪人魄養生懷嵇康著論且永夕

丹砂庶可採丹訣不可求薏苡能辟瘴不能解心憂憂

來出門去迷迹岐路周荒灘雷競號怪樹風修修水多

含沙蜮山有攫肉彪安得雙健翮不然駕蚬虬聳身層

雲端烟點數九州

出郭見奚兀云是望仙坡在昔龍虎將出師豺狼窠丈

夫既墮地投筆當荷戈橫槊作露布古者無殊科胡爲

困絕域日作寒蛩哦入祠嘆荒落玉座緣青莎再拜薦

芳菊浩然發長歌

干將龍泉劍爾是知我者借爾耿耿光明我絕僞假胡

爲鏤金柄蜿蜒弗容把白日倏已逾落葉愴然下搔首
髮蕭蕭彈缺淚如瀉

長安少年子寶鞍金盤陀瞭鷹碣石關詐馬盧溝河黃
間彎勁弩綠沉飾珣玗龍額舊承寵豹尾橫經過晚歸
北堂上挾瑟列趙娥共言骨相殊虎頭食肉多

我家大江南清秋得高興畫舫銷夏灣藤輪採香徑白
蓮參妙香高梧愜清聽銀河忽在地星斗遠涵泳捲簾
納新涼境闌息心競方期樂未央豈謂時難更

庭中四桂樹露濕花滾滾二株昔移種我小如樹長竭
來二十載高蓋數仞牆新柯接老幹密葉流清光高秋

閉深院十里爲芬芳嗟哉樹如此我壯業轉荒明月不
可掇我憂幾時忘

肅肅雲間雁呼羣影徘徊我無凌風翼蘭足蠻山隈飛

鳴爾自得胡過衡湘來苦竹不結實急灘鮮留苔瘴烟

日栖宿毛羽愁摧頽辛苦過三冬春返黃金臺

殘月遲上天大小星同同颺風自西來夜氣變淒冷開

箱檢衣裳顛倒亂燈影征衫著已穿征途一何永慈母

手所縫綻裂鮮完整望雲天衢長採華石門迥蟋蟀爾

何悲中宵助幽哽

中丞孫表伯視師梧州奉呈